

佛說盂蘭盆經講記 科判

西晉三藏竺法護 譯經 明滿益大師 科判 智圓法師 講記

釋道淨 整理 20240729 2 稿 微信 qq 973451196 校對 禁止商用篡改 法律責任必究

科判				經文			
正文分三	甲一序分分二	乙一通序		聞如是：一時佛在舍衛國祇樹給孤獨園。			
		乙二別序分六	丙一目連道滿	大目犍連始得六通。			
			丙二知恩欲酬	欲度父母，報乳哺之恩。			
			丙三攀慕遍尋	即以道眼觀視世間。			
			丙四得見所在	見其亡母生餓鬼中，不見飲食，皮骨連立。			
			丙五悲哀往救	目連悲哀，即以鉢盛飯，往餉其母。			
			丙六惡習難轉	母得鉢飯，便以左手障鉢，右手搏食。食未入口，化成火炭，遂不得食。			
	甲二正宗分分三	乙一目連悲泣陳情		目連大叫，悲號涕泣，馳還白佛，具陳如此。			
		乙一簡示分五	丙一	丁一彰母罪深	佛言：汝母罪根深結。		
				丁二明子力弱	非汝一人力所奈何。		
				丁三斥邪無用	汝雖孝順，聲動天地，天神、地祇、邪魔、外道道士、四天王神，亦不能奈何。		
				丁四顯正有能	當須十方眾僧威神之力，乃得解脫。		
				丁五許以救方	吾今當說救濟之法，令一切難，皆離憂苦。		
		乙二如來廣示法要分二	丙二正示分二	丁一教孝子獻供之法分五	戊一定勝時	佛告目連：十方眾僧，七月十五日僧自恣時。	
					戊二發勝意	當為七世父母，及現在父母，厄難中者。	
				戊三設勝供	具飯百味五果，汲灌盆器，香油錠燭，床敷臥具，盡世甘美以著盆中，供養十方大德眾僧。		
					戊四贊勝田	當此之日，一切聖眾，或在山間禪定，或得四道果，或在樹下經行，或六通自在，教化聲聞緣覺，或十地菩薩大人，權現比丘，在大眾中，皆同一心，受鉢和羅飯，具清淨戒，聖眾之道，其德汪洋。	
				戊五獲勝益	其有供養此等自恣僧者。現世父母，六親眷屬，得出三途之苦，應時解脫，衣食自然。若父母現在者，福樂百年。若七世父母生天，自在化生，入天華光。		
			丁二教眾僧受供之儀	時佛敕十方眾僧，皆先為施主家咒願，願七世父母，行禪定意，然後受食。初受食時，先安在佛前，塔寺中佛前，眾僧咒願竟，便自受食。			
		乙三當機獲益脫苦分二		丙一孝子獲法喜益脫憂愁苦	時目連比丘，及大菩薩眾，皆大歡喜。目連悲啼泣聲，釋然除滅。		
				丙二慈母獲濟度益脫果報苦	時目連母，即於是日得脫一劫餓鬼之苦。		
		甲三流通分分二	乙一申請		目連復白佛言：弟子所生母，得蒙三寶功德之力，眾僧威神之力故。若未來世，一切佛弟子，亦應奉盂蘭盆，救度現在父母，乃至七世父母，可為爾否。		
			乙二贊答分三	丙二正答分四	丙一讚許	佛言：大善，快問。我正欲說，汝今復問。	
					丁一教起行	善男子，若比丘、比丘尼、國王、太子、大臣、宰相、三公百官、萬民庶人行慈孝者，皆應先為所生現在父母，過去七世父母，於七月十五日，佛歡喜日，僧自恣日，以百味飯食，安盂蘭盆中，施十方自恣僧。	
						丁二教發願	願使現在父母，壽命百年無病，無一切苦惱之患。乃至七世父母，離餓鬼苦，生人天中，福樂無極。
					丁三教常作	是佛弟子修孝順者，應念念中常憶父母，乃至七世父母。年年七月十五日，常以孝慈，憶所生父母。為作盂蘭盆，施佛及僧，以報父母長養慈愛之恩。	
	丁四勸受持			若一切佛弟子，應當奉持是法。			
丙三奉行			時目連比丘，四輩弟子，歡喜奉行。				